

410

5687

27

陶潛集十卷

東晉

鮑照集十卷

宋

謝朓集十卷

南齊

謝惠連集五卷

吳均集三卷

南梁

江淹集十卷

南齊

何遜集二卷

南齊

庾信集二十卷

北齊

陰鏗集一卷

言書元卷十七
楊雄集三卷

王績東臯子集五卷

楊炯盈川集二十卷

王勃集二十卷

盧照隣幽憂子集十卷

駱賓王集十卷

蘇頲許公集二十卷

陳子昂集十卷

宋之問考功集十卷

沈佺期集五卷

杜審言集一卷

張說集三十卷

李嶠集一卷

張九齡曲江集二十卷

王維集十卷

儲光羲集五卷

王昌齡詩六卷

常建集一卷

劉長卿集十卷

顏真卿文一卷

蕭穎士集十卷

張鷟龍筋鳳髓判十卷

孟浩然詩一卷

嚴從中黃子三卷

李翰林集二十卷

岑參集十卷

李嘉祐詩二卷

高適集十卷集外文一卷別詩一卷

賈至集十卷

錢起詩二卷

元子十卷琦玕一卷文編十卷

韓翃詩五卷

杜甫集二十卷集外詩一卷注杜詩二十卷蔡興

宗編杜詩二十卷趙次公注杜詩五十九卷

吳筠宗元先生集十卷

獨孤及毘陵集二十卷

皇甫冉詩二卷

郎士元詩一卷

顧况集二十卷

陳蜕詩一卷

盧綸詩一卷

耿緯詩二卷

韋應物集十卷

李端司馬集三卷

李益詩一卷

陸贄奏議十二卷翰苑集十卷

王建詩十卷

柳郊詩一卷

武元衡臨淮集二卷

羊士諤詩一卷

麴信陵集一卷

楊巨源詩一卷

歐陽詹集十卷

韓愈集四十卷集外文一卷



李絳論諫集七卷

李觀文編三卷外集二卷

柳宗元集三十卷集外文一卷

劉禹錫集三十卷外集十卷

孟郊詩集十卷

呂溫集十卷

李翱集十八卷

張籍詩集五卷

昭德先生郡齋讀書志卷第十七

門人姚應續編



集部其類有三一曰楚辭類二曰別集類三曰總集類

內別集猥多復分為上中下昔屈原作離騷雖詭譎不

可為訓

案可為訓袁本通考作
槩諸聖瞿鈔本脫聖字

而英辨藻思閱麗演迤

發於忠正

案瞿鈔本
忠作中

蔚然為百代詞章之祖眾士慕嚮

波屬雲委自時厥後綴文者接踵於斯矣然軌轍不同

機杼亦異各名一家之言學者欲矜式焉故別而序之

案袁本通考序作
聚瞿鈔本作敘

命之為集蓋其原起於東京而極於

有唐至七百餘家當晉之時摯虞已患其零雜難觀嘗
自詩賦以下彙分之曰文章流別後世祖述之而為總
集蕭統所選是也至唐亦且七十五家嗚呼盛矣雖然
賤生於無所用或其傳不能廣值水火兵寇之厄因而
散落者十八九亦有長編鉅軸幸而得存屬目者幾希
此無他凡以其虛詞濫說徒為美觀而已無益於用故
也今錄漢迄唐附以五代本朝作者其數亦甚眾其間
格言偉論可以扶持世教者為益固多至於虛詞濫說
如上所陳者知其終當泯泯無聞猶可以自警則其無

用亦有用也是以不加銓擇焉

楚辭類

楚辭十七卷

右後漢拔書郎王逸叔師注楚屈原名平為懷王左徒
博聞強志嫻於辭令後同列心害其能而讒之王怒疏
平平自傷忠而被謗乃作離騷經以諷不見省納及襄
王立又放之江南復作九歌天問九章遠遊卜居漁父
大招自沉汨羅以死其後楚宋玉作九辯招魂漢賈誼
作惜誓淮南王小山作招隱士東方朔作七諫嚴忌作

哀時命王褒作九懷劉向作九歎皆擬其文而哀平之
死於忠至漢武時淮南王安始作離騷傳劉向與

案袁本通

考作按經書分爲十六卷東京班固賈逵各作離騷章

句餘十五卷闕而不說至逸自以爲南陽人與原同土

悼傷之復作十六卷章句又續爲九思取班固二序附

之爲十七篇按漢書志屈原賦二十五篇今起離騷經

至大招凡六九章九歌又十八則原賦存者二十四篇

耳并國殤禮魂在九歌之外爲十一則溢而爲二十六

篇不知國殤禮魂何以係九歌之末又不可合十一爲

九然則謂大招爲原辭可疑也夫以招魂爲義恐非自
作或曰景差蓋近之其卷後有蔣之翰跋云晁美叔家
本也

楚辭釋文一卷

右未詳撰人其篇次不與世行本同蓋以離騷經九辯

九歌天問九章遠遊卜居漁父招隱士招魂九懷七諫

九歎哀時命惜誓大招九思爲次按今本九章第四九

辯第八而王逸九章注云皆解於九辯中知釋文編次

案瞿鈔本袁蓋舊本也後人始以作者先後次第之耳
本通考作第

或曰天聖中陳說之所爲也

補注楚辭十七卷考異一卷

右未詳撰人凡王逸章句有未盡者補之自序云以歐陽永叔蘇子瞻晁文元宋景文家本參校之遂爲定本又得姚廷輝本作考異且言辨騷非楚辭本書不當錄

重編楚辭十六卷

右族父吏部公重編獨離騷經仍故爲首篇其後以遠遊九章九歌天問卜居漁父大招九辯招魂惜誓七諫哀時命招隱士九懷九歎

案原本歌瞿鈔本通考同今據袁本改

爲次而

去九思一篇其說曰按八卷屈原遭憂所作故首篇曰

離騷經後篇皆曰離騷餘皆曰楚辭今本所第篇或不

次序於是遷遠遊九章次離騷經在九歌上以原自敘

其意近於離騷經也而九歌天問乃原旣放之後攄憤

所作者故遷於下卜居漁父自敘之餘意也故又次之

大招古奧疑原作非景差詞沈淵不返故以終焉爲楚

辭上八卷九辯招魂皆宋玉所作

案瞿鈔本袁本通考俱無所作二字

曰九辯原作其聲浮矣惜誓宏深或以爲賈誼作蓋近

之東方朔嚴忌皆漢帝

案瞿鈔本通考漢帝袁本作漢武帝

廷臣淮南小

山之詞不當先朔忌王褒漢宣帝時人

案袁本通淮南考有後字

小山至劉向最後作故其次序如此皆西漢以前文也為楚辭下八卷王逸東漢人九思視向以前所作相關矣又十七卷非舊錄故去之又頗刪逸離騷經訓釋淺陋者而錄司馬遷原傳冠其首云

續楚辭二十卷

右族父吏部公編擇後世文賦與楚辭類者編之自宋

玉以下至本朝王令凡二十六人

案瞿鈔本無王令二字

計六十

篇各為小序以冠其首而最喜沈括以為詞近原蓋深

探其用意疾徐隨其步驟而與之偕

案原本瞿鈔本袁本脫隨字今據通

考補然亦暇而不迫也

變離騷二十卷

右族父吏部公編公既集續楚辭又擇其餘文賦大意

祖述離騷或一言似之者為一編其意謂原之作曰離

騷餘皆曰楚辭令楚辭又變而迺始曰變離騷者欲後

世知其出於原也猶服盡而係其姓於祖云所錄自楚

荀卿至本朝王令凡三十八人通九十六首

別集類上

蔡邕集十卷

右後漢蔡邕伯喈也陳留郡人

案袁本通考郡作圍。覆案瞿鈔本國是圍之

誤

仕至左中郎將後爲王允所害邕博學好辭章術數天文妙操音律在東觀欲補漢紀自陳十意及付獄乞黥劓以成書不能得遂死獄中所著文章百四篇今錄止存九十篇而銘墓居其半或曰碑銘或曰神誥或曰哀讚其實一也嘗自云爲郭有道碑獨無愧辭則其他可知矣凡文集其人正史自有傳者止掇論其文學之辭及略載鄉里所終爵位或死非其理亦附見餘歷官

與其善惡率不錄若史逸其行事者則雜取他書詳載焉庶後有考

曹植集十卷

右魏曹植子建也太祖子文帝封植爲陳王卒年三十

一諡曰思年十歲餘誦讀詩論及辭賦數十萬言善屬

文援筆立成自少至終篇籍不離於手按魏志景初中

撰錄植所著賦頌詩銘雜論凡有餘篇隋志植集三十

卷唐志植集二十卷今集十卷比隋唐本有以逸者而

詩文二百篇返溢於本傳所載不曉其故

王粲集八卷

右後漢王粲仲宣也高平人爲魏侍中

案瞿鈔本袁本魏下有國字

粲博學

案瞿鈔本學作而袁本通考作物

多識強記善算

案袁本通考無算字○覆

案瞿鈔本舊鈔袁本有算字

屬文舉筆便成無所改定時人

案瞿鈔本袁本

有常字○覆案通考無

以爲宿製正復精意覃思亦不能加著詩

賦論議垂六十篇今集有八十一首按唐藝文志粲集

十卷今亡兩卷其詩文返多於史所紀二十餘篇與曹

植集同

阮籍集十卷

右魏阮籍嗣宗也尉氏人籍志氣宏放博覽羣籍尤好

莊老屬文不留思嗜酒能嘯善彈琴當其得意忽忘形

體雖不拘禮數

覆案瞿鈔本數通考袁本作教

而發言元遠晉帝輔政

爲從事中郎後求爲步兵校尉

嵇康集十卷

右魏嵇康叔夜也譙國人康美詞氣有丰儀土木形骸

不自藻飾學不師受

覆案袁本作授

博覽該通長好莊老屬文

元遠以魏宗室婚拜中散大夫景元初鍾會譖於晉文

帝遇害

張華集三卷

右晉張華茂先也范陽人惠帝時為司空趙王倫孫秀黨謀害之華學業優博辭藻溫麗圖緯方伎等書莫不詳覽家有書三十乘天下奇秘悉在博物洽聞世無與比集有詩一百二十哀詞冊文二十一賦三

陸機集十卷

右晉陸機士衡也抗之子少有異才文章冠世服膺儒術案服字原本闕瞿鈔本袁本作伏今據通考補非禮不動吳滅退居舊里閉門勤學積有十年太康末入洛成都王穎令機率師伐

長沙王乂至河橋大敗為穎所誅初造張華華重其名如舊相識嘗謂之曰人常恨才少而子更患多葛洪著書亦稱歎焉所著文章凡三百餘篇今存詩賦論議箋表碑誄一百七十餘首以晉書文選校正外餘多舛誤案通考有機仕終平原內史七字

陸雲集十卷

右晉陸雲士龍也吳郡人惠帝時為中書侍郎會兄機兵敗同遇害雲六歲能屬文性清正有才思案瞿鈔本袁本通考作與機齊名雖文章不及而持論過之所著文章三百

四十九篇新書十篇

案通考有雲仕終清河內史七字

陶潛集十卷

右晉陶淵明元亮也一名潛潯陽人蕭統云淵明字元

亮晉書云潛字元亮宋書云潛字淵明或云字深明名

元亮按集

案通考有中字

孟嘉傳與祭妹文皆自稱淵明當從

之晉安帝末起為州祭酒桓元篡位淵明自解而歸州

召主簿不就躬耕自資劉裕舉兵討元誅之為鎮軍將

軍淵明參其軍事未幾改為建威將軍淵明見裕有異

志乃求為彭澤令去職潛少有高趣好讀書不求甚解

著五柳先生傳以自况世號靖節先生今集有數本七

卷者梁蕭統編以序傳顏延之誄載卷首十卷者北齊

陽

案原本作楊據袁本通考改

休之編以五孝傳聖賢羣輔錄序傳

誄分三卷益之詩篇次差異按隋經籍志潛集九卷又

云梁有五卷錄一卷唐藝文志潛集五卷今本皆不與

二志同獨吳氏西齋書目有潛集十卷疑即休之本也

休之本出宋庠家云江左名家

案瞿鈔本袁本通考無名家二字

舊書

其次第最有

案原本為瞿鈔本袁本若今據通考改

倫貫獨四八目後八

儒三墨二條似後人妄加

鮑照集十卷

案原本瞿鈔本脫卷數今據袁本通考補。覆案通考作鮑參軍集十卷

右宋鮑照明遠也上黨人世祖以為中書舍人後臨海

案瞿鈔本袁本海通考川

王子頊鎮荊州以照為參軍子頊敗為亂

兵所殺初孝武好文自謂人莫能及照悟其旨為文多

鄙言累句當時謂照才盡實不然也事見沈約書而李

延壽乃以世祖為文帝集有唐虞炎序云為宋景所害

儻見於他書乎唐人避武后諱改照為昭

謝朓集十卷

右齊謝朓元暉也陽夏人明帝初自中書郎出為東海

太守東昏時為江祜黨潛害之朓少好學有美名文章

清麗善草隸尤長五言詩沈約嘗云二百年來無此詩

也文選所錄朓詩僅二十首集中多不載今附入

謝惠連集五卷

右宋謝惠連方明子也元嘉七年為彭城王法曹行參

軍十歲能屬文為雪賦以高麗見奇族兄靈運每見其

詩文曰張華重生不能易也

吳均集三卷

右梁吳均叔庠也史稱均博學多才俊

案瞿鈔本袁本通考才俊上無

多字下有體清二字拔有古氣好事效之謂吳均體有集二十卷
唐世搜求止得十卷今又亾其七矣舊題誤曰吳筠筠
乃唐人此詩殊不類而其中有贈周興嗣柳貞陽輩詩
固已知其非筠又有蕭子雲贈吳朝請入東詩蓋均在
武帝時爲奉朝請則知爲均也無疑矣蕭子雲詩入蕭
子顯朱異平筠王僧孺詩各一附顏之推譏均集中有
破鏡賦今已亾之

江淹集十卷

石梁江淹文通也濟陽人梁初爲散騎常侍封醴陵侯

少好學不事章句留情於文章晚節才思微退人謂才
盡著述百餘篇自撰爲前後集今集二百四十九篇魏
晉間名人詩文行於世者往往羨於史所載曹植王粲
及淹皆是也豈後人妄益之歟

何遜集二卷

右梁何遜仲言也東海人終水部員外郎遜少能詩州
舉秀才范雲見其文嗟賞曰觀文人質則過懦麗則傷
俗能含清濁古今見之何生矣沈約謂每讀卿詩一日
三復猶不能已與劉孝綽以文章見重於世謂之何劉

王僧孺集其文爲八卷今已逸不全

庾信集二十卷

右周庾信子山也南陽人梁元帝時爲散騎常侍聘西魏遂留長安孝閔時終司憲中大夫信在梁與徐陵文並綺麗世號徐庾體集有滕王道序

陰鏗集一卷

右陳陰鏗字子堅幼聰慧五歲能誦詩賦日千言及長博涉史傳尤善五言詩徐陵言之於世祖使賦安樂宮援筆立成累遷散騎常侍有集三卷隋志已亡其二今

所存者十數詩而已杜少陵嘗贈李太白詩有云李侯有佳句往往似陰鏗今觀斯集白蓋過之遠矣甫之慎許可乃如此

楊雄集三卷

右漢楊雄子雲也古無雄集皇朝譚愈好雄文患其散在諸篇籍離而不屬因綴輯之得四十餘篇

王績東臯子集五卷

右唐王績無功也龍門人隋大業中舉孝悌廉潔授六合丞棄官耕東臯自號東臯子唐書以爲隱逸集有呂

才序稱其幼岐嶷年十五謁楊素占對英辨一坐盡傾
以爲神仙童子薛道衡見其登龍門憶禹賦歎曰今之
庾信也且載其卜筮之驗者數事云

楊炯盈川集二十卷

右唐楊炯也華陰人顯慶六年舉神童授校書郎終婺
州盈川令卒炯博學善屬文與王勃盧照隣駱賓王以
文詞齊名海內稱王楊盧駱四才子亦曰四傑炯自謂
吾愧在盧前恥居王後張說曰盈川文如懸河酌之不
竭恥王後信然愧盧前謙也集本三十卷今多亾逸

王勃集二十卷

右唐王勃子安也通之孫麟德初劉祥道薦其才對策
高等授朝散郎沛王召署府修撰以戲爲諸王鬪雞檄
高宗怒斥出府父爲交趾令勃往省潮海卒勃屬文初
不精思先磨墨數升酌飲引被覆面臥及寤援筆成篇
不易一字時人謂之腹藁有劉元濟序

盧照隣幽憂子集十卷

右唐盧照隣昇之也范陽人調新都尉病去官隱具茨
山下手足孿癢疾久訣親戚自沈潁水照隣自以當高

宗時尙吏已獨儒武后尙法已獨黃老后封嵩山聘賢士已病癡

案瞿鈔本通考無病字袁本作己已廢

著五悲文今在集中嘗

自號幽憂子

駱賓王集十卷

右唐駱賓王義烏人也武后時數言事得罪貶臨海丞不得志棄官去文明中徐敬業亂署府佐爲敬業傳檄天下斥武后罪后讀之矍然及敗亡命不知所之後宋之間逢之於靈隱

案通考袁本有寺字瞿鈔本無

已祝髮爲浮屠矣賓

王七歲能屬文妙於五言詩中宗詔求其文得百餘篇

命郝雲卿次序之

蘇頲許公集二十卷

右唐蘇頲廷碩也武功人調露二年進士賢良方正異等除左司率府胄曹元宗時中書舍人知制誥開元四年同紫微黃門平章事頲幼敏悟一覽五千言輒覆景龍後與張說俱以文章顯時號燕許李德裕謂近世詔誥惟頲敘事外爲文章韓休爲序集本四十六卷今亡其半矣

陳子昂集十卷

右唐陳子昂伯玉也梓州人文明初舉進士上書召見
累擢拾遺新唐書稱子昂聖厯初解官歸養父喪廬墓
縣令段簡貪暴脇取其賂不厭逮捕死獄中沈下賢獨
云爲武承嗣所殺未知孰是子昂少以豪俠使氣及冠
折節爲學精究墳籍耽愛黃老易象尤善屬文唐興文
章承徐庾餘風天下祖尙至是始變雅正故雖無風節
而唐之名人無不推之柳儀曹曰張說以著述之餘攻
比興而莫能極張九齡以比興之暇窮著述而不克備
唐興以來稱是選而不作者子昂一人而已

宋之問考功集十卷

右唐宋之問延清也汾州人武后召與楊炯分直習藝
館諂事太平公主爲考功員外郎睿宗初貶欽州賜死
自魏建安迄江左詩律屢變至沈約庾信以音韻相婉
附屬對精密及之問沈佺期又加靡麗回忌聲病約句
準篇如錦繡成文學者宗之號曰沈宋徐堅嘗論之問
之文如良金玉無施不可其爲當時所重如此

沈佺期集五卷

右唐沈佺期雲卿也相州人及進士第由協律郎累遷

宏文館直學士嘗侍中宗宴舞回波爲弄辭悅帝還賜
牙笏衣緋

杜審言集一卷

右唐杜審言必簡也襄陽人預之後裔擢進士侍高才
以傲世嘗對武后賦歡喜詩后歎重其文與李嶠崔融
蘇味道爲文章四友集有詩四十餘篇而已

張說集三十卷

右唐張說道濟也洛陽人永昌元年賢良方正策第一
累遷鳳閣舍人睿宗時兵部侍郎平章事開元十八年

終左丞相燕國公說爲文精壯長於碑志朝廷大述作
多出其手嘗典集賢圖書之任間爲天平軍大使及致
仕一歲皆卽軍中於其家論撰國史晚謫岳州詩益悽
惋人謂得江山助

李嶠集一卷

右唐李嶠巨山也贊皇人擢進士第制策下

案瞿鈔本
下袁本通

考甲科拜

案瞿鈔本袁本
通考無拜字

爲監察御史武后時同鳳閣鸞

臺平章事嶠富才思前與王勃楊炯續

案瞿鈔本袁
本通考作中

與崔融蘇味道齊名晚諸人沒爲文章宿老學者取法焉

集本六十卷未見今所錄一百二十詠而已或題曰單
題詩有張方注

張九齡曲江集二十卷

右唐張九齡子壽也曲江人長安二年進士調授書郎
以道侔伊呂科策高等爲左拾遺開元中爲中書令卒
謚文獻九齡風度醞藉幼善屬文元宗朝知制誥雅爲
帝知爲相諤諤有大臣節及貶荊州惟文史是娛朝廷
許其勝流徐堅論九齡之文如輕縑素練實濟時用而
窘邊幅柳宗元以九齡兼攻詩文但不能究其極爾集

後有姚子彥所撰行狀呂溫撰真贊鄭宗珍撰謚議徐
浩撰墓碑及贈司徒敕辭

王維集十卷

右唐王維摩詰也太原人開元九年進士終尙書右丞
維幼能屬文工草隸善畫名盛安祿山反嘗陷賊中賊
大宴凝碧池賦詩痛悼詩聞行在後得免死代宗訪維
文章於維弟縉哀集十卷上之李肇譏維漠漠水田飛
白鷺陰陰夏木嘯黃鸝之句以爲竊李嘉祐者今嘉祐
之集無之豈肇之厚誣乎

儲光義集五卷

右唐儲光義魯人登開元十四年進士第嘗為監察御史後從安祿山偽署賊平貶死

王昌齡詩六卷

右唐王昌齡少伯也江寧人開元十五年進士為拔

案袁

本及瞿鈔本通考作秘

書郎又中宏詞科不謹細行貶龍標尉以

世亂歸鄉里為刺史閩上曉所殺昌齡工詩縝密而思清時謂王江寧云

常建集一卷

右唐常建開元十五年進士歐陽永叔嘗愛竹徑通幽處禪房花木深之句乃建詩也

劉長卿集十卷

案原本瞿鈔本通考脫卷數今據唐藝文志及袁本補宋藝文志作

二十卷

右唐劉長卿字文房開元末中進士第至德中監察御

史以檢校祠部員外郎為轉運使判官知淮西岳鄂轉

運留後觀察使吳仲孺誣奏貶潘州南巴縣尉會有為

之辨者除睦州司馬終隨州刺史長卿剛而犯上故兩

逢斥廢詩雖窘於才而能鍛鍊權德輿嘗謂為五言長

讀書志卷十七
城今集詩九卷雜文一卷

顏真卿文一卷

右唐顏真卿清臣也萬年人博學工辭章開元二十二年進士又登制科代宗時爲太子太師使李希烈爲希烈所害世謂真卿忤楊國忠李輔國元載楊炎盧杞拒安祿山李希烈廢斥者七八以至於死而不自悔天下一人而已而學問文章往往雜於神仙浮屠之說不皆合於理而所爲乃爾者蓋天性然也

蕭穎士集十卷

右唐蕭穎士茂挺也梁宗室之後舉進士開元二十三年中第爲史館待制安祿山反竄山南節度崔圓授揚州工曹至官信宿而去客死汝南逆旅門人謚曰文元先生穎士善觀書一覽卽誦通百家譜系書籀嘗教授濮陽時號蕭夫子李林甫惡不附已故數罷去閣士和盛推穎士文章以爲聞蕭氏之風者童子羞稱曹陸唐書云穎士作伐櫻桃賦以詆李林甫君子恨其褊按集載其辭有曰每俯臨乎蕭牆姦回得而窺伺蓋謂林甫之必致寇也其後果階祿山之禍唐遂不振然則穎士

可謂知幾矣宜褒而返加以貶詞何哉

張鷟龍筋鳳髓判十卷

右唐張鷟字文成辭章藻麗嘗入中制科此乃其書判也凡一百首自號浮休子

孟浩然詩一卷

右唐孟浩然襄陽人工五言詩隱鹿門山年四十乃遊京師一日諸名士集秘省聯句浩然句曰微雲淡河漢疎雨滴梧桐眾皆欽服張九齡王維雅稱道之維私邀入禁林遇元宗臨幸浩然匿牀下維以聞上曰素聞其

人因召見命自誦所爲詩至不才明主棄之句上曰不求進而誣朕棄人命放歸所著詩二百一十首宜城處士王士源序次爲三卷今併爲一又有天寶中韋縉序巖從中黃子三卷

右唐巖從開元中爲著作郎春官侍讀集賢院學士卒自號中黃子當時命太子侍文呂向訪遺文於家得訓考經頌等八篇序爲三卷

李翰林集二十卷

右唐李白太白也白集舊十卷唐李陽冰序咸平中樂

史別得白歌詩十卷凡歌詩七百七十六篇又纂雜著
爲別集十卷宋次道治平中得王文獻及唐魏萬所纂
白詩又哀唐類詩洎刻石所傳者通李陽冰樂史集共
一千一篇雜著六十五篇曾子固乃考其先後而次第
之云白蜀郡人天寶初至長安明皇召爲翰林供奉頃
之不合去安祿山反明皇在蜀永王璘節度東南白時
臥廬山迫致之璘敗坐繫潯陽獄崔渙宋若思驗治白
以爲罪薄釋其囚使謀其軍乾元元年終以污璘事長
流夜郎以赦得釋過當塗以卒始終更涉如此此白之

詩書所自序可考者也舊史稱白山東人爲翰林待詔
又稱白在宣城謁見永王璘遂辟爲從事而新書又稱
白流夜郎還潯陽坐事下獄宋若思釋之者皆不合於
白之自序蓋史誤也予按杜甫詩亦以白爲山東人而
蘇子瞻常恨白集爲庸俗所亂則白之自序亦未可盡
信而遂以爲史誤近蜀本又附入左綿邑人所哀白隱
處少年所作詩六十篇尤爲淺俗白天才英麗其辭逸
蕩雋偉飄然有超世之心非常人所及讀者自可別其
眞僞也

岑參集十卷

右唐岑參南陽人文本裔孫天寶三年進士累官補闕起居郎出為嘉州刺史杜鴻漸表置幕府為職方郎中兼侍御史罷終於蜀參博覽史籍尤工綴文屬辭清尚用心良苦其有所得往往超拔孤秀度越常情每篇絕筆人競傳諷至德中裴案原本此下有越字。覆案瞿鈔本無越字通考裴下有度字舊鈔袁本案瞿鈔本袁裴薦連文薦杜甫等嘗薦其識度清越案瞿鈔本袁本通考作遠議論雅正佳名早立時輩所仰可以備獻替之官云集有杜確序

李嘉祐詩二卷

右唐李嘉祐別名從一趙州人天寶七年進士為秘書正字袁台二州刺史善為詩綺靡婉麗有齊梁之風時人以比吳均何遜云

高適集十卷集外文一卷別詩一卷

右唐高適達夫也

案瞿鈔本有又字仲武四字

渤海人天寶八年舉

有道科中第永泰初終散騎常侍五十始為詩即工以氣質自高每一篇出好事者輒傳布云

賈至集十卷

右唐賈至幼幾也洛陽人天寶十年明經擢第累官起居舍人知制誥從幸西川當撰傳位冊既進藁上曰先天誥命乃父爲之今茲冊命又爾爲之兩朝大典出卿父子可謂繼美矣大厯中終散騎常侍集李邯鄲淑家本二十卷蘇弁編次常仲儒爲序以墓銘敘碑列於後今亾其半蘇子瞻嘗行呂惠卿責詞有元兇在位之語仇人乃曰世惟宋太子劼謂之元兇因誣其指斥殊不知曹子建責躬詩有曰元兇是率蓋自謂也今至制誥中除魏仲犀

案原本魏舒瞿鈔本袁本通考仲犀據改

徐歸道詞亦以元兇

指祿山豈獨劼爲元兇邪世多疑子瞻失詞因表出之

錢起詩二卷

覆案通考標目作錢考功集一卷

右唐錢起徽之父也

案徽字袁本通考作徵誤

吳郡人天寶中舉進

士初從鄉薦客舍月夜聞人哦於庭曰曲終人不見江

上數峯青起攝衣從之無所見矣及就試詩題乃湘靈

鼓瑟也起卽以鬼謠十字爲落句主文李暉

案瞿鈔本袁本通考

作暉。覆案舊鈔袁本作暉與此同

深嘉之擢置高第釋褐授拔書郎終

考功與郎士元齊名時曰前有沈宋後有錢郎

元子十卷琦玕一卷文編十卷

案通考作琦玕子袁本宋藝文志玕

作玕誤瞿鈔
本與此同

右唐元結次山也後魏之裔天寶十三年進士復舉制
科授右金吾兵曹累遷容管經略使始在商餘山稱元
子逃難入琦玕洞稱琦玕子或稱浪士漁者稱爲聲叟
酒徒呼爲漫叟及官呼爲漫郎因以命其所著結性耿
介有憂道閔世之思逢天寶之亂或仕或隱自謂與世
聲牙豈獨其行事而然其文辭亦如之然其辭義幽約
譬古鍾磬不諧於里耳而可尋玩在當時名出蕭李下
至韓愈稱數唐之文人獨及結云

韓翃詩五卷

案原本翃瞿鈔本與此
同誤今據袁本通考改

右唐韓翃君平也南陽人天寶十三年進士淄青侯希
逸宣武李勉相繼辟幕府俄以駕部郎中知制誥終於
中書舍人翃詩興致繁富朝野重之

杜甫集二十卷集外詩一卷注杜詩二十卷蔡興
宗編杜詩二十卷趙次公注杜詩五十九卷

右唐杜甫子美也審言之孫天寶十三年元宗朝獻太
清宮享廟及郊奏賦三篇使待制集賢院宰相試文再
遷右衛率府曹曹終於劔南參謀檢校工部員外曠放

不自檢好論天下大事高而不切少與李白齊名時號
李杜數當寇亂挺節無污爲歌詩傷時橈弱情不忘君
人憐其忠云集有王洙原叔王琪君玉序皇朝自王原
叔以後學者喜觀甫詩世有爲之注者數家率皆鄙淺
可笑有託原叔名者其實非也呂微仲在成都時嘗譜
其年月近時有蔡興宗者再用年月編次之而趙次公
者又以古律詩雜次第之且爲之注兩人頗以意改定
其誤字云

吳筠宗元先生集十卷

右唐吳筠撰前有權德輿序筠字貞節華陰人生十五
年隱於南陽天寶初召至京師請爲道士居嵩山已而
敕待詔翰林筠知祿山將亂求還茅山許之乃東遊會
稽往來天台剡中與李白孔巢父酬唱大厓中卒弟子
諡爲宗元先生筠通經義美文辭性高颯其待詔翰林
也特承恩顧高力士素奉佛嘗短筠於帝故筠所著文
賦深詆釋氏頗爲通人所譏云

獨孤及毘陵集二十卷

右唐獨孤及至之也洛陽人天寶中

案原本中
作十三年舉洞曉

元經科代宗初爲太常博士濠舒二州刺史政最徙常
州卒於官及幼有成人之量徧覽五經觀其大義不爲
章句學爲文以立憲誠世褒賢過惡爲用長於論議唐
實錄稱韓愈師其爲文云集有李舟梁肅前後序未載
崔祐甫碑志

皇甫冉詩二卷

右唐皇甫冉茂政也丹陽人天寶十五年進士爲無錫
尉歷拾遺補闕卒與弟曾齊名當時比張氏景陽孟陽
云集有獨孤及序

郎士元詩一卷

右唐郎士元字君胄中山人天寶十五年進士爲郢州
刺史與錢起俱有詩名而士元尤更清雅時朝廷公卿
出牧奉使若兩人無詩祖行人以爲愧

顧況集二十卷

右唐顧況字逋翁蘇州人至德二年江東進士善爲歌
詩性詼諧德宗時柳渾輔政以秘書郎召況况素善李
泌及泌相自謂當得達官久遷著作郎及泌卒有調笑
語貶饒州司戶卒集有皇甫湜序

陳蛻詩一卷

右唐陳蛻未詳其行事集有長安十五詠自序云蛻生

長江淮間以詩句從賊

案瞿鈔本袁本作賦。覆案袁鈔本賊觀下今我后撫運句意

則從賊賊字為是

近十餘年矣今我后撫運澤及四海蛻復得

為太平人云云若此殆肅代間人也

盧綸詩一卷

右唐盧綸與吉中孚韓翃錢起司空曙苗發崔峒耿緯

夏侯審李端皆以能詩名號大厯十才子綸字允言累

舉進士不第

耿緯詩二卷

覆案袁本作緯通考標目亦作緯其引陳氏語云寶應二年進士登科記

一作緯則此作緯亦通瞿鈔本舊鈔袁本作緯與此同

右唐耿緯寶應元年進士為左拾遺

韋應物集十卷

右唐韋應物京兆人周遙公負之後左僕射扶陽公待

價生令儀令儀生鑿鑿生應物天寶時為三衛永泰中

任洛陽丞京兆府功曹大厯十四年自鄆縣制除櫟陽

令稱疾辭歸建中二年授比部郎中守滁州居頃之改

江州召還擢左司郎中或媚其進媒孽之出為蘇州刺

史性高潔鮮食寡欲所居焚香除地而坐詩律自沈宋
以後日益靡曼鏤章刻句揣合浮切雖音韻婉諧屬對
麗密而嫻雅平淡之氣不存矣獨應物之詩馳驟建安
以還得其風格云

李端司馬集三卷

右唐李端趙州人大厯五年進士爲拔書郎卒官杭州
司馬郭曖尙昇平公主賢明招納士類故端等皆客之
嘗座上賦詩奇甚主大加稱歎錢起曰素爲之請賦起
姓端立獻一章云新開金埒看調馬舊錫銅山許鑄錢

錢起乃服主喜厚賜之

李益詩一卷

右唐李益君虞也姑臧人大厯四年進士調鄭縣尉幽
州劉濟辟從事憲宗雅聞其名召爲集賢殿學士負才
凌藉士類衆不能堪暴其獻濟詩不上望京樓之句以
涉怨望詔降秩俄復舊益少富詞藻長於歌詩與宗人
賀齊名每作一篇樂工以賂求取被聲歌供奉天子征
人早行詩天下皆施之圖繪今集有從軍詩五十首而
無此詩惜其放逸多矣

陸贄奏議十二卷翰苑集十卷

右唐陸贄敬輿也贄嘉興人大厯八年進士中博學宏詞書判拔萃科德宗初爲翰林學士從奉天還爲中書舍人平章事贄在奉天日下詔書數百初如不經思逮成皆周盡人情嘗爲帝言今盜徧天下宜痛自悔以感人心誠不吝改過以言謝天下使臣持筆無所忌庶叛者革心上從之故下制書雖武夫悍卒無不感動流涕議者謂興元戡難功雖爪牙宣力蓋腹心有助焉舊翰苑集外有膀子集五卷議論集三卷元祐中蘇子瞻乞

拔正進呈改從今名疑是時哀諸集以成云

王建詩十卷

右唐王建也大厯十年進士爲昭應縣丞太府寺丞大和中陝州司馬尤長宮詞

柳郾詩一卷

右唐柳剡集有與李端盧綸輩相酬贈詩大厯間進士也

武元衡臨淮集二卷

右唐武元衡伯蒼也河南人建中四年進士元和二年

以門下侍郎平章事出爲劍南節度八年復秉政明年
早朝遇盜爲所害元衡工五言詩好事者傳之被於管
絃嘗夏夜作詩曰夜久喧暫息池臺惟月明無因駐清
景日出事還生翌日遇害舊有臨淮集七卷此其二也
議者謂唐世工詩宦達者惟高適達官詩工者惟元衡
案達官袁本通考作
宦達瞿鈔本與此同

羊士諤詩一卷

右唐羊士諤也貞元元年擢進士第順宗時爲宣歙巡
官王叔文惡之案瞿鈔本袁本通
考惡之作所惡貶汀州寧化尉元和

初李吉甫知獎擢監察御史掌制誥嘗出爲資州刺史
魏信陵集一卷

右唐魏信陵貞元元年進士爲舒州望江令卒

楊巨源詩一卷

右唐楊巨源字景山河中人貞元五年第進士爲張宏
靖從事自秘書郎擢太常博士遷禮部員外郎出爲鳳
翔少尹復召除國子司業巨源在元和中詩韻不造新
語體律務實用功頗深旦暮搖首微詠不輟年老成疾
嘗贈宏靖詩叙其世家云伊陟無聞祖韋賢不到孫時

人稱之年滿七十乞歸時宰惜其去使爲其鄉少尹不絕其祿大和時以官壽卒

歐陽詹集十卷

右唐歐陽詹行周也泉州人貞元八年進士終國子四門助教初閩人不肯北官及常袞爲觀察使與學勸士詹始以進士舉其聯第者如韓愈李絳諸人皆天下選時稱龍虎榜云此集李貽孫纂退之作詹哀辭稱詹甚美大意謂詹覓舉京師將以爲父母榮也又云其德行信於朋友而唐小說載詹惑太原一妓爲賦高城已不

見况復城中人之詩卒爲之死今集中載焉然則詹之志豈僅在父母哉有德行者乃爾耶

韓愈集四十卷集外文一卷

右唐韓愈退之也南陽人貞元八年進士累擢知制誥進中書舍人遷吏部侍郎爲京兆尹與李紳不協紳出愈罷爲兵部俄復舊劉昫唐書稱愈恃才肆意盪孔孟之旨若南人妄以柳宗元爲羅池神而愈作碑以實之李賀父名晉肅不應進士而愈爲作諱辨又爲毛穎傳譏戲不近人情此文章之甚紕繆者新書稱愈三歲而

孤自知讀書比長盡通六經百家學性明銳不詭隨每
言文章自相如子長後作者不世出故深探本原卓然
樹立成一家言造端置辭要爲不襲蹈前人者議者謂
舊史譏其文章甚紕繆固不待辨而新史褒其造端置
辭不襲蹈前人亦未爲知愈蓋愈之置辭造端字字悉
有依據如毛穎傳進學解之類皆有所師範云其集屢
經名人是正其訛舛絕少但編次殊失倫類當重爲編
輯之

李絳論諫集七卷

右唐李絳深之也贊皇人貞元八年進士中宏詞科補
渭南尉六年進中書侍郎平章事大和初爲山南西道
節度使四年南蠻入寇爲亂兵所害絳儀質魁偉以直
道進退望冠一時賢不肖太分屢爲讒邪所中平生論
諫數十百事其甥夏侯孜所編大中史官蔣偕爲序

李觀文編三卷外集二卷

右唐李觀元賓也華之從子貞元八年進士中宏詞科
終太子校書郎觀爲文不襲前人時謂與愈相上下

鈔本袁本通考

觀少天文故未極愈得中壽

案瞿鈔本
袁本通考

得中壽作
老不休

故獨擅名大順中陸希聲編觀文為之序有

謂觀尚辭故辭勝理愈尚質故理勝辭雖愈窮老終不

能加觀之辭觀後愈死亦不能逮愈之質云其後蜀人

趙昂又得其安邊書至晁錯論一十四首為後集二卷

頃年從父詹事公掌誥命以四之日為四日不學者闕

然以為非觀集中亦云爾乃知本於此

柳宗元集三十卷集外文一卷

右唐柳宗元子厚也後魏濟陰公某之裔

案通考有河東人三字

貞元九年進士中博學宏詞科授校書郎終於柳州刺

史宗元少精敏絕倫為文章卓偉精微既竄斥堙厄感

鬱一寓諸文做離騷數十篇讀者悲惻在柳州進士走

數千里從學經指授者文辭皆有法世號柳柳州韓愈

評其文曰雄深雅健似司馬子長崔蔡不足多也

案通考此

下有安定皇甫湜於文章少所推讓亦以退之之言為然集中以下至末俱無之

集中有御史

周君碣司馬溫公考異以此碣為周子諒碣實開元二

十五年宗元作天寶時誤按子諒以彈牛仙客杖流瀼

州死藍田舊唐書紀牛仙客傳及元宗實錄皆載之而

此碣殊疎略

案瞿鈔本袁本子諒云云至末與此互異

劉禹錫集三十卷外集十卷

右唐劉禹錫夢得也中山人貞元九年進士登博學宏詞科貶朗州司馬元和十年召還欲任以南省郎作元都觀看花詩譏忿當路出爲播州刺史裴度以母老爲請得易連州入爲主客郎中復作遊元都詩以詆權近俄分司東都遷賓客會昌時加檢校禮部尙書卒禹錫少工文章恃才而廢老年寡所合乃以文章自適素善詩晚節尤精白居易推爲詩豪嘗言其詩在處應有神物護持禹錫早與柳宗元爲文章之友稱劉柳晚與白

居易爲詩友號劉白雖詩文似少不及然能抗衡二人間信天下之奇才也

孟郊詩集十卷

右唐孟郊東野也湖州人貞元十二年進士調溧陽尉辟爲興元參謀卒郊少隱嵩山性介寡合韓愈一見爲忘形交爲詩有理致然思苦澁李觀論其詩曰高處在

古無上平處下顧二謝云張籍諡爲貞耀先生

覆案瞿鈔本耀

作曜集宋次道重編先時世傳汴吳鏤本五卷一百二十四篇周安惠本十卷三百三十一篇別本五卷三百四

十篇蜀人蹇濬用退之贈郊句纂成咸池集二卷一百
八十篇自餘不爲編秩雜錄之家家自異次道總拾遺
逸摘去重複若體製不類者得五百十一篇四覆案瞿
鈔本通
考四袁
本作而十聯句不與焉一贊二書附於後郊集於是始
有完書

呂溫集十卷

右唐呂溫叔也一字化光河中人貞元十四年進士
以善韋執誼王叔文起家再命左拾遺同張薦使吐蕃
元和初使還累進知御史雜事再貶道州刺史徙衡州

溫從梁肅爲文章規摹左氏藻瞻精富流輩推尙劉禹
錫爲編次其文序之云古之爲書先立言而後體物賈
生之書首過秦而荀卿亦後其賦故斷自人文化成論
至諸葛武侯廟記爲上篇今集先賦詩後雜文非禹錫
本也

李翱集十八卷

右唐李翱習之也涼武昭王之後貞元十四年進士調
拔書郎知制誥會昌初終山南東道節度使翱性峭顛
論議無所屈仕不得顯官怫鬱無所發從韓愈爲文詞

致渾厚見推當時集皆雜文無歌詩前有蘇舜欽序云
唐之文章稱韓柳翱文雖辭不逮韓而理過於柳

張籍詩集五卷

右唐張籍文昌也和州人貞元十五年登進士第終國

子司業籍性狷急爲詩長於樂府多警句元和中與白

樂天孟東野相酬唱

案瞿鈔本袁本通考相酬唱作歌詞

天下宗之謂之

元和體云其集五卷張洎爲之編次

覆案通考謂之句末無云字下有一

本纔三卷五字無其集云云瞿鈔本袁本作集張洎編四字

昭德先生郡齋讀書志卷第十七終

昭德先生郡齋讀書志卷第十八目錄

別集類中

白居易長慶集七十一卷

戴叔倫述稿十卷外詩一卷書狀一卷

權德輿集五十卷

符載集十四卷

張登集六卷

戎昱集三卷

元稹長慶集六十卷外集一卷

皇甫湜文六卷

李紳追昔遊三卷

鮑溶詩五卷

朱倣詩一卷

沈亞之集十卷

姚合詩十卷

施肩吾西山集五卷

李賀集四卷外集一卷

盧仝詩一卷

劉叉詩一卷

斷金集一卷

杜牧樊川集二十卷外集一卷

許渾丁卯集二卷

李涉歌詩一卷

雍陶詩五卷

李商隱樊南甲集二十卷乙集二十卷又文集八

卷

李德裕會昌一品集二十卷姑臧集五卷平泉詩

一卷窮愁志三卷別集八卷又賦一卷

陳黯文集三卷

劉得仁詩集一卷

劉綺莊歌詩四卷

薛逢歌詩二卷

鄭畋集五卷

趙嘏渭南詩三卷

孟遲詩一卷

薛能集十卷

李郢端公詩一卷

鄭嵎津陽門詩一卷

劉滄詩一卷

孫樵經緯集三卷

李羣玉詩一卷

張祐詩一卷

陳陶集二卷

于武陵詩一卷

令狐楚表奏十卷

讀書志卷十八
溫庭筠金荃集七卷外集一卷

皮日休文藪十卷

司空圖一鳴集三十卷

唐彥謙鹿門詩一卷

曹唐詩一卷

秦韜玉投知小錄三卷

雲臺編三卷宜陽外編一卷

陸龜蒙笠澤叢書四卷

韓偓詩二卷香奩集一卷

李洞詩一卷

杜荀鶴唐風集十卷

程晏集六卷

孫郃文纂一卷

朱朴致理書十卷

曹松詩一卷

裴說詩一卷

羅虬比紅兒詩一卷

方干詩集一卷

沈顏聲書十卷

王德輿詩一卷

沈彬集一卷

胡笳十八拍一卷

熊皦屠龍集五卷

鼎國詩三卷

羅隱甲乙集十卷讒書五卷

張蟾詩一卷

盧延讓詩一卷

牛嶠歌詩三卷

韋莊浣花集五卷

孫光憲鞏湖編玩三卷

李煜集十卷

韓熙載文集五卷

孫晟文集三卷

潘佑滎陽集十卷

李有中詩集二卷

成彥雄梅頂集一卷

徐鉉集三十卷

賈島長江集十卷

皎然杼山集十卷

貫休禪月集三十卷

清塞詩一卷

碧雲詩一卷

薛洪度詩一卷

花蘂夫人詩一卷

吳越掌記集一卷

昭德先生郡齋讀書志卷第十八

別集類中

白居易長慶集七十一卷

右唐白居易樂天也

案通考有唐史云三字瞿鈔本袁本無

太原人居易

案瞿鈔本通考有詩中二字

自序生於鄭州滎陽

覆案袁本無居易至滎陽

貞元

十七年進士中拔萃科元和初制策一等調整厓尉入

翰林爲學士大和初遷刑部侍郎會昌初以刑部尙書

致仕居易於文章最爲精切然尤工詩

案瞿鈔本袁本通考有初頗以

規諷得失及其多更下偶俗好十五字當時士人爭傳雞林賈國相率篇

易一金案瞿鈔本通考有與元微之酬唱故號元白與劉禹錫齊名號劉白十九字袁本無在杭

州時自類詩稿分諷諭閒適感傷雜律四類前集五十

卷有元稹序後集二十卷自為序紀又有續後集五卷

今亾三卷矣予按案瞿鈔本袁本通考按作嘗謂樂天案瞿鈔本袁本通考有進退以

義風流高矣字下無嘗字嘗與禹錫遊人謂之劉白而不陷案瞿鈔本

有入字袁本通考亦有入字司馬黨中及與元稹遊人謂之元白而

不陷北司黨中又與楊虞卿為姻家而不陷牛李黨中

其風流高尚進退以義可想見矣案瞿鈔本袁本通考無其風至見矣十三

字 嗚呼叔世有如斯人之髣髴者乎獨集中載聞李崖

州貶二絕句其言淺俗似幸其禍敗者余固疑非樂天

之語及考之編年崖州貶時樂天沒將踰年或曰浮屠

某所作也

戴叔倫述稿十卷外詩一卷書狀一卷

右唐戴叔倫幼公也潤州人為入温雅善舉止中進士

第累遷容管經略使政治稱最德宗賜中和詩世以為

榮代還請為道士未幾卒集有馬總序或題曰會錄唐

史但云師事蕭穎士初不稱其能詩以時人少其詩骨

氣綿弱故也

權德輿集五十卷

覆案袁本無十字誤

右唐權德輿載之也秦州人未冠以文章稱諸儒間貞

元十

覆案袁本有五字

年知制誥累官中書舍人元和五年以

禮部尚書平章事德輿三歲知變四聲四歲能賦詩積

思經術無不貫綜自始學至老未曾一日去書其文雅

正贍疇當時公卿功德卓異者皆所銘記雖動止無外

飾其醞藉風流自然可慕貞元元和間為縉紳羽儀其

兩漢辨亾論世祖封不義侯議世多稱之云嘗自纂制

誥集五十卷楊憑為序今亾逸文集孫憲孫編次楊嗣

復為序

符載集十四卷

右唐符載字厚之岐襄人幼有宏遠之志隱居廬山聚

書萬卷不為章句學貞元中李巽江西觀察薦其材授

奉禮郎為南昌軍副使繼辟西川韋臯掌書記澤潞郃

士美參謀歷協律郎監察御史元和中卒段文昌為墓

誌附於後集皆雜文末篇有數詩而已集前有崔郡

覆案

瞿鈔本通考郡作羣袁本郡與此同

王湘送符處士歸觀序皆云載蜀人

以比司馬王揚云

張登集六卷

右唐張登性剛潔耿介

案瞿鈔本袁本通考耿介作介特

始以巾褐就

辟歷衛佐廷尉平監察御史貞元中改河南

案通考有府字

曹掾遷殿中侍御史漳州刺史居七年坐公累受劾吏

議侵誣感疾卒權德輿爲之序甚詳以公幹景陽比之

國史補亦稱登長於小賦氣宏而密間不容髮有織成

隱起結綵蹙金之狀其舊集詩賦之外書啟序述誌記

銘誄合一百二十二篇今存者纔六十餘首

戎昱集三卷

右唐戎昱撰初李萇廉察桂林月夜聞鄰居吟詠之音

清暢遲明訪之乃昱也卽延爲幕賓後因飲席調其侍

兒萇微知其故卽贈之昱感忤賦詩有恩合死前酬之

句又爲衛伯玉荆南從事後歷辰虔二州刺史

元稹長慶集六十卷外集一卷

覆案袁本無外集一卷

右唐元稹微之也河南人擢明經書判入等授拔書郎

元和初舉制科對策第一拜左拾遺在江陵與監軍崔

潭峻善潭峻以稹歌詩奏御穆宗賞悅除祠部郎中知

制誥未幾入翰林爲中書舍人承旨學士長慶二年拜
同中書門下平章事積爲文長於詩與白居易齊名號
元和體往往播樂府穆宗在東宮妃嬪近習皆誦之宮
中呼爲元才子及知制誥變詔書體務純厚明切盛傳
一時有長慶集百卷今亡其四十卷又有外集一卷詩
五十二篇皆宮體也

覆案袁本無
又有云云

皇甫湜文六卷

覆案通考湜
文作持正集

右唐皇甫湜持正也睦州人元和元年進士仕至工部
郎中裴度辟東都判官度修福先寺欲求碑文於白居

易湜怒曰近舍湜而遠取居易請從此辭度謝之湜卽

酣飲援筆立就度贈車馬繒綵

案瞿鈔本袁本通
考有甚厚二字

湜怒

曰吾自爲顧况集序後未嘗許人今碑字三千一字三
縑何遇我薄邪度笑曰不羈之才也從而酬之今集雜
文三十八篇而已况集序在焉而碑已亡矣

李紳追昔遊三卷

右唐李紳公垂也亳州人元和元年進士補國子助教
穆宗召爲翰林學士累進中書舍人武宗卽位拜中書
侍郎平章事紳爲人短小精悍於詩最有名號短李與

李德裕元稹同時號三俊追昔遊者蓋賦詩紀其平生
 所遊歷謂起梁漢歸諫署案袁本通考有升字翰苑及播越荆楚
 踰嶺嶠上高安移九江過鍾陵守滁陽轉壽春留洛陽
 廉會稽分務東周守蜀鎮梁也開成戊午八月自爲之
 序

鮑溶詩五卷

覆案袁本作一卷

右唐鮑溶字德源元和四年中進士第集中有別韓博
 士愈詩云不知無聲淚中感一顧厚蓋退之所嘗推激
 也張薦謂溶詩氣力宏贍博識清度雅正高古衆才無

不備具曾子固亦愛其詩清約謹嚴而違理者少因以
 史館本及歐陽公所藏互校得二百三十三篇今本有
 一百九十二篇餘逸

朱倣詩一卷

右唐朱倣字長通襄陽人隱居剡溪嗣曹王臯鎮江西
 辟節度參謀貞元初召爲拾遺不就

沈亞之集十卷

右唐沈亞之字下賢長安人元和十年進士涇原李彙
 辟掌書記爲秘書省正字長慶初補櫟陽尉四年爲福

言書志卷十八
建都團練副使事徐晦後累進殿中丞御史內供奉大

和三年

案原本初瞿鈔本袁本通考三年據改

栢耆宣慰德州取爲判官

耆罷亞之貶南康尉後終郢州掾亞之以文詞得名狂躁貪污曾輔耆爲惡故及於貶嘗遊韓愈門李賀杜牧李商隱俱有擬下賢詩亦當時名輩所稱許云此本之後有景文宋公題字稱得之於端明李學士編次無倫蓋唐本也予頗愛其能造語然其本極舛誤頗是正之且哀其遺闕者數篇及賀牧商隱三詩附於後

姚合詩十卷

覆案通考作姚少監集十卷

右唐姚合也崇曾孫以詩聞元和十一年李逢吉知舉進士歷武功主簿富平萬年尉寶應中監察殿中御史戶部員外郎出金杭二州刺史爲刑戶二部郎中諫議大夫給事中陝虢觀察使開成末終秘書監世號姚武功云

施肩吾西山集五卷

右唐施肩吾吳興人元和十五年進士以豫章之西山乃十二真仙羽化之所心慕之因卜隱焉且以名其所著自爲之序

李賀集四卷外集一卷

右唐李賀字長吉鄭王之孫七歲能辭章韓愈皇甫湜聞之過其家使賦詩援筆輒就白目曰高軒過二人大驚年二十七終協律郎賀詞尙奇詭爲詩未始先立題所得皆警邁遠去筆墨畦逕當時無能效者樂府十數篇雲韶工合之絃管云或說賀卒後爲不相悅者盡取其所著投園中以故世傳者不多外集予得之梁子美家姚鉉頗選載文粹中

盧仝詩一卷

右唐盧仝范陽人隱少室山號玉川子徵諫議不起唐史稱韓愈爲河南令愛其詩厚禮之嘗作月蝕詩以譏元和逆黨愈稱其工按其詩云元和庚寅蓋五年也憲宗遇弒在十五年後十歲也豈追託庚寅歲事爲詩乎不然則史誣也後死於甘露之禍

劉義詩一卷

右唐劉義也少嘗任俠殺人後更折節讀書善歌詩客韓愈門作冰柱雪車二詩出盧仝李賀右歸齊魯不知所終今集二十餘篇爾不載二詩

斷金集一卷

右唐李逢吉令狐楚自未第至貴顯所唱和詩也後逢吉卒楚編次之得六十餘篇裴夷直名曰斷金集爲之序

杜牧樊川集二十卷外集一卷

右唐杜牧牧之也京兆人大和二年進士復舉制科會昌中以考功郎中知制誥終中書舍人牧善屬文剛直有奇節敢論列大事指陳利病爲詩情致豪邁人號小杜以別甫云臨終自爲墓誌悉焚所爲文章其甥裴廷

翰輯其稿編次爲之後序樊川蓋杜氏所居外集皆詩也

許渾丁卯集二卷

右唐許渾字用晦圍師之後大和六年進士爲當塗太平二令以病免起潤州司馬大中三年爲監察御史歷虞部員外睦郢二州刺史嘗分司於朱方丁卯間自編所著因以爲名賀鑄本跋云按渾自序集三卷五百篇世傳本兩卷三百餘篇求訪二十年得沈氏曾氏本并取擬元天竺集校正之共得四百五十四篇予近得渾

集完本五百篇皆在然止兩卷唐藝文志亦言渾集兩卷鑄稱三卷者誤也

李涉歌詩一卷

右唐李涉

案袁本通考有渤之弟三字○覆案舊鈔袁本亦無

也早從陳許辟一

再謫官夷陵大和中爲太學博士自號清溪子渤三詩

附

雍陶詩五卷

右唐雍陶字國鈞大和八年進士大中六年自國子毛詩博士出刺簡州唐志集十卷今亡其半

李商隱樊南甲集二十卷乙集二十卷又文集人

卷

右唐李商隱義山也隴西人開成二年進士令狐楚奏爲集賢拔理楚出汴滑興元皆表幕府嘗補太學博士初爲文瑰邁奇古及從楚學儷偶長短而繁縟過之旨意能感人人謂其橫絕前後無儔者今樊南甲乙集皆四六自爲序卽所謂繁縟者又有古賦及文共三卷辭旨恢詭宋景文序傳中稱誦恠則李商隱蓋以此詩五卷清新纖豔故舊史稱其與温庭筠段成式齊名時號

三十六體云

李德裕會昌一品集二十卷姑臧集五卷平泉詩

一卷窮愁志三卷別集八卷又賦一卷

右唐李德裕文饒也趙郡人宰相吉甫之子少力於學
既冠卓犖有大節不喜與諸生試有司憲宗時以廕補
校書郎穆宗初擢翰林學士號令大典皆出其手進中
書舍人召兵部尚書中書門下平章事會昌初復秉政
平澤潞策功拜太尉封衛公大中貶崖州司戶參軍三
年卒德裕性孤峭明辨有風采善爲文章雖在大位手

不去書謀議援古衮衮可喜爲武宗所知常以經綸天
下爲己任時王室幾中興焉一品集鄭亞爲之序皆會
昌制誥表狀外內冊贊碑序文也賦詩四首窮愁志乃
在崖州時所撰姑臧集題段全緯纂上四卷亦制誥第
五乃憂黜斯朝貢傳與八詩別集乃哀合古賦平泉詩
集外雜著又有古賦一卷載金松等四賦

陳黯文集三卷

右唐陳黯撰黯字希孺潁川人十歲能詩十三袖文謁
清源牧牧面令賦詩頗稱賞之由是一時聲名大振會

昌初就鄉薦至禮部輒罷歸咸通中卒有羅隱黃滔序

劉得仁詩集一卷

案原本瞿鈔本通考俱作德仁今據袁本唐宋藝文志書錄解

題改

右唐劉得仁公主之子長慶中以詩名五言清瑩獨步

文場自開成後昆弟皆居顯仕獨自苦於詩舉進士二

十年竟無所成嘗有寄所知詩云外族帝王是

案袁本是作足

誤通考作恩瞿鈔本與此同

中朝親故稀翻令浮議者不許九霄飛

及卒詩僧棲白以絕句弔之曰忍苦為詩身到此冰魂

雪魄已難招直教桂子落墳上生得一枝窻始銷

劉綺莊歌詩四卷

右唐劉綺莊未詳其人唐

案瞿鈔本袁本通考俱無劉綺莊下八字

四庫書

目有綺莊集十卷今所餘止四卷詩三十二啟狀四十

四而已惜其散落大半其本乃南唐故物紙墨甚精後

題曰昇平四年重題印其文曰建鄴文房本內密字皆

闕其畫而超字不闕蓋吳時所繕寫也其詩如置酒揚

州送人皆不凡而樂府格調尤高然史逸其行事詩中

亦不可考獨啟事內有白韋崔三相公狀白乃敏中崔

乃元式韋乃琮也三人同相於宣宗初載其末云限守

藩服則知綺莊時已任刺史矣

薛逢歌詩二卷

右唐薛逢陶臣也河東人會昌元年進士終秘書監逢持論颯切以謀略高自標顯與楊收王鐸同年登第而逢文藝最優收作相逢有詩云誰知金印朝天客同是沙堤避路人鐸作相逢又有詩云昨日鴻毛萬鈞重今朝山岳一毫輕二人皆怒故不見齒

鄭畋集五卷

右唐鄭畋台文也滎陽人會昌二年進士書判入等授

拔書郎調渭南尉知制誥中書舍人乾符四年以本官同中書門下平章事二年召復秉政至成都以疾不拜終太子少保稿草皆乾符掌判敕語云

趙嘏渭南詩三卷

右唐趙嘏承祐也會昌四年進士終渭南尉杜紫微讀其早秋詩云殘星幾點雁橫塞長笛一聲人倚樓因謂之趙倚樓云

孟遲詩一卷

案袁本通考作孟達誤唐宋藝文志俱作遲○覆案舊鈔袁本亦作遲

右唐孟遲字叔之

案唐藝文志作遲之

平昌人會昌五年陳商下

及第

薛能集十卷

覆案通考
能作許昌

右唐薛能字大拙汾州人會昌六年登進士第大中末
書判中選補蓋屋尉辟太原陝虢河陽從事李福鎮滑
表署觀察判官歷御史都官刑部員外郎福徙西蜀奏
以自副咸通中攝嘉州刺史造朝遷主客度支刑部郎
中俄刺同州京兆尹溫璋貶命權知尹事出帥咸化入
授工部尚書復節度徐州徙忠武廣明元年徐軍成澱
水經許能以軍懷舊惠館之城中時軍案時軍瞿鈔本
袁本通考作許

軍下以供備至殺之并六十二字作瞿見襲大將
周岌乘衆疑怒逐能據城自稱留後因二十字以供

備疎闕大譟能登子城樓慰勞之久乃定忠武亦遣大
將周岌詣澱水聞之夜還襲擊徐卒盡殺之且怨能之
厚徐卒也遂逐之能將奔襄陽亂兵追殺之并屠其家

能為政嚴察禁絕私謁資性倨傲輕佻忤物案瞿鈔本
袁本通考

無資性云云八字有癖
於詩日賦一章七字晚節惑浮屠法信奉惟謹案瞿
鈔本
袁本通考有然恣鷙倨傲佻輕
以忤物十字下其為作及為其為藩鎮尤易武吏嘗

命其子屬囊鞬雅拜新進士或問其故曰與渠銷弭災

咎云

李郢端公詩一卷

右唐李郢楚望也大中十年進士詩調清麗居餘杭疎於馳競爲藩鎮從事兼侍御史

鄭嵎津陽門詩一卷

右唐鄭嵎字賓光

案通考作賓先

大中五年進士津陽卽華清

宮之外闕嵎開成中過之聞逆旅主人道承平故實明日馬上成長句一千四百言自爲之序云

劉滄詩一卷

右唐劉滄字蘊靈大中八年進士詩頗清麗句法絕類

趙嘏

孫樵經緯集三卷

右唐孫樵字隱之大中九年進士廣明初黃巢犯闕赴岐隴授職方員外時詔書曰行在三絕以常侍李隲有曾閔之行前進士司空圖有巢由之風樵有楊馬之文遂輯所著名經緯集

李羣玉詩一卷

右唐李羣玉文山也澧州人曠逸不樂仕進專以吟詠自適詩筆妍麗才力遒健好吹笙善書翰親友強赴舉

一上而止裴休廉察湖南延郡中大中八年來京師進詩三百篇休復論薦授宏文館校書郎集後附其進詩表并除官制太平廣記所載黃陵廟事甚異其絕句在焉

張祜詩一卷

右唐張祜字承吉清河人樂高尚客淮南杜牧爲度支使善其詩嘗贈之詩曰何人得似張公子千首詩輕萬戶侯嘗作淮南詩有人生只合揚州死禪智山光好墓田之句大中中果終丹陽旅舍

案袁本通考作隱舍人瞿鈔本脫上一字

以爲讖云

陳陶集二卷

右唐陳陶嵩伯也鄱陽人大中時隱洪州西山自號三教布衣云江南野史有傳

于武陵詩一卷

右唐于武陵大中進士

令狐楚表奏十卷

右唐令狐楚字殼士撰楚相憲宗爲文善於牋奏自爲序云登科後爲桂并四府從事掌牋奏者十三年始遷

御史綴其稿得一百九十三篇自號白雲孺子

温庭筠金荃集七卷外集一卷

右唐温庭筠也庭筠本名岐字飛卿宰相彥博之裔詩

賦清麗與李商隱齊名時號温李

案瞿鈔本袁本通考下無然薄至豔曲十

字有能逐茲吹之音爲側豔之辭爲行塵雜由是十七字下累舉作累年

然薄於行多作側

辭豔曲累舉不第終國子助教宣宗嘗作詩賜宮人句
有金步搖遣場中對之庭筠對以玉跳脫上喜其敏欲
用之以嘗作詩忤時相令狐綯終廢斥云

皮日休文藪十卷

右唐皮日休字襲美一字逸少襄陽人隱鹿門山自號
醉吟先生以文章自負尤善箴銘咸通八年登進士第
爲著作佐郎太常博士乾符之亂東出關爲毘陵副使
陷巢賊中賊遣爲讖文疑其譏已遂害之集乃咸通丙
戌年居州里所編自序云發篋次類文稿繁如藪澤因
以名之凡二百篇

司空圖一鳴集三十卷

右唐司空圖表聖也河中人咸通十一年王凝下及第
黃巢陷長安僖宗次鳳翔召爲知制誥中書舍人朱温

將纂召爲禮部尙書不赴聞哀帝遇弒不食而卒圖居
中條山自號知非子耐辱居士集自爲序以濯纓亭一
鳴摠案瞿鈔本總袁
本通考作摠名其集子荷別爲集後記最長於
詩其論詩有曰梅止於酸而鹽止於鹹味常在於酸鹹
之外謂其詩棊聲花院靜旂影石壇高之句爲得之人
以其言爲然

唐彥謙鹿門詩一卷

右唐唐彥謙茂業也并州人咸通末舉進士第中和中
王重榮表河中從事歷節度副使晉絳二州刺史重榮

遇害貶漢中掾興元楊守亮留署判官遷副使闖壁刺
史卒彥謙才高負氣無所摧屈博學多藝尤能七言詩
師溫庭筠故格體類之世稱耳聞明主提三尺服見愚
民盜一抔蓋彥謙句也自號鹿門先生有薛廷珪序

曹唐詩一卷

右唐曹唐字堯賓桂州人初爲道士咸通中爲府從事
卒作遊仙詩百餘篇或斬之曰堯賓嘗作鬼詩唐曰何
也井底有天春寂寂人間無路日覆案瞿鈔本袁
本通考作月茫茫
非鬼詩而何唐乃大哂今集中不見然他詩及神仙者

尚多

秦韜玉投知小錄三卷

右唐秦韜玉字中明京兆人有詞藻工歌吟險而好進為田令孜所善僖宗幸蜀令孜引為工部侍郎中和二年賜進士第編入春榜

雲臺編三卷宜陽外編一卷

右唐鄭谷字守愚宜春人光啟三年擢高第遷右拾遺歷都官郎中乾寧四年歸宜春卒於別墅其集號雲臺編者以其扈從華山下觀居所編次也谷詩屬思凝

袁案

本通考

切於理而格韻繁

覆案袁本通考作凡

猥語句浮俚不競

不為議者所多然一時傳諷號鄭都官而弗名也

陸龜蒙笠澤叢書四卷

右唐陸龜蒙魯望也蘇州人少高放通六經大義尤明春秋舉進士一不中從張搏為蘇湖從事居松江甫里以文章自怡少工歌詩其體裁不一卒造乎平淡而已自號江湖散人或號甫里先生著作之博新史多取之而獨不云工歌詩笠澤者松江地名也其集自序云自乾符六年春臥病笠澤時隱几著書詩賦銘記往往雜

發混而錄之故曰叢書今按其集歌詩為多又比他文最工新史疎漏如此

韓偓詩二卷香奩集一卷

右唐韓偓致堯也案袁本通考書錄解題作致光京兆人龍紀元年進

士累遷諫議大夫翰林學士昭宗幸鳳翔進兵部侍郎承旨朱全忠怒貶濮州司馬榮懿尉天祐初挈族依王審知而卒香奩集沈括筆談以為和凝所作凝既貴惡其側豔故詭稱偓著或謂括之言妄也

李洞詩一卷

右唐李洞字才江諸王之孫慕賈島為詩銅鑄為像事之如神時人多謂其僻澁不貴其奇峭惟吳融稱之昭宗時不第遊蜀卒

杜荀鶴唐風集十卷

右唐杜荀鶴池州人大順二年進士善為詞章案瞿鈔本袁本

通考章作宣州田頔重之嘗以賤問至梁祖薦為翰林句切理

學士主客員外恃勢侮易搢紳眾怒欲殺之而未及天祐初病卒有顧雲序荀鶴自號九華山人

程晏集六卷

右唐程晏字晏然乾寧二年進士集皆雜文

孫郃文纂一卷

右唐孫郃字希韓四明人乾寧四年進士好荀卿楊雄孟氏之書慕韓愈為拔書郎河南府文學舊四十卷

朱朴致理書十卷

案此書已見雜家類袁本通考俱複出盧氏拾補云唐志本在

雜家不應在別集類
晁氏語兩處不同

右唐朱朴也襄陽人以三史舉為荆門令乾寧中方士許巖士得幸禁中言朴有經濟才帝幸石門召對即拜諫議大夫平章事

曹松詩一卷

右唐曹松夢徵也舒州人學賈島為詩天復元年與王希羽劉象柯崇鄭希顏同登第年皆七十餘號五老榜時以新平內難聞放進士喜特敕授拔書郎而卒

裴說詩一卷

右唐裴說撰天祐三年進士詩有避亂一身多之句

羅虬比紅兒詩一卷

右唐羅虬也皇朝方信

覆案瞿鈔本袁本通考作性

夫注虬詞藻富

贍與其族人隱鄴齊名時號三羅從鄆州李孝恭籍中

有杜紅兒者善歌常為副使者

覆案袁本使者作戎瞿鈔本通考與此同屬

意副使聘鄰道虬請紅兒歌贈之以綵孝恭不令受虬

怒拂衣而起詰旦手刃之既而追其寃作絕句詩百篇

案瞿鈔本袁本通考有借古人三字 以比其豔盛行於世

方干詩集一卷

右唐方干字雄飛歙人唐末舉進士不第隱鏡湖上徐

凝有詩名一見干器之授以詩律其貌寢陋又兔闕而

喜凌侮嘗謁廉帥誤三拜人號方三拜將薦於朝而卒

門人諡元英先生其集

案袁本通考作甥 楊弁與孫郃編次遺

詩王贊為序郃又為作元英先生傳附

沈顏聲書十卷

右唐案瞿鈔本袁本通考作偽吳 沈顏字可鑄傳師之孫天復初進

士為拔書郎避亂奔吳遂為吳案避亂至為吳瞿鈔本袁本通考作屬亂離奔

湖南辟巡官吳國建為淮南十五字 巡官禮儀使兵部郎中知制誥翰林

學士順義中卒顏少有辭藻琴碁皆臻妙場中語曰下

水船喻其為文敏速也案瞿鈔本袁本通考作言為文敏速無不載也 性閑淡

不樂世利嘗疾當時文章浮靡倣古著書百篇取元次

山聲叟之說附已志而名書其自序云自孟軻以後千

餘年經百千儒者咸未有聞焉天厭其極付在鄙子其
誇誕如此

王德輿詩一卷

右唐王德輿集有次韻和鄭畋詩知其懿僖間人也

沈彬集一卷

右南唐沈彬保大中以尚書郎致仕居高安集中有與
韋莊杜光庭貫休詩唐末三人皆在蜀疑其同時避亂
嘗入蜀云上李昇山水圖詩在焉

胡笳十八拍一卷

右唐劉商撰漢蔡邕女如琰爲胡騎所掠因胡人吹蘆
葉以爲歌遂翻爲琴曲其辭古淡商因擬之以敘琰事
盛行一時案瞿鈔本袁本通考有商彭城人四字擢進士第歷臺省爲郎
好道術隱義興胡父渚世傳其仙去

熊皦屠龍集五卷

右晉熊皦後唐清泰二年進士爲延安劉景巖從事天
福中說景巖歸朝擢右司諫坐累黜上津令集有陶穀
序陳沆賞皦早梅詩云一夜欲開盡百花猶未知曰太
如容德於是乎在

鼎國詩三卷

右後唐李雄撰雄洛鞏人莊宗同光甲申歲遊金陵成
都鄴下各爲詠古詩三十章以三國鼎峙故曰鼎國

羅隱甲乙集十卷讖書五卷

右杭越羅隱字昭諫餘杭人唐乾符中舉進士不第從
事諸鎮皆無合久之而歸錢鏐辟掌書記歷節度判官
副使奏授司勳郎中梁祖以諫議大夫召不行魏博羅
紹威推爲叔父表薦給事中卒隱少聰敏作詩著文以
譏刺爲主自號江東生其集皆自爲序

張蠙詩一卷

右僞蜀張蠙字象文清河人唐乾寧中進士爲拔書郎
櫟陽尉犀浦令王建開國拜膳部員外郎後爲金堂令
王衍與徐后遊大慈寺見壁間書牆頭細雨垂纖草水
面回風聚落花愛之問知蠙句給札令以詩進蠙以二
百首獻衍頗重之將召爲知制誥宋光嗣以其輕傲止
賜白金而已蠙生而穎秀幼能爲詩作登單于臺有白
日地中出黃河天外來之句爲世所稱

盧延讓詩一卷

右僞蜀盧延讓子善也

案袁本通考有范陽人三字

唐光化元年進

士朗陵雷滿辟滿敗歸王建及僭號授水部員外郎累遷給事中卒官終刑部侍郎延讓師薛能詩不尚奇巧人多謂其淺俗獨吳融以其不蹈襲大奇之

牛嶠歌詩三卷

右僞蜀牛嶠字延峯隴西人唐相僧孺之後博學有文以歌詩著名乾符五年進士歷拾遺補闕尚書郎王建鎮西川辟判官及開國拜給事中卒集本三十卷自序云竊慕李長吉所爲歌詩輒效之

韋莊浣花集五卷

右僞蜀韋莊字端己仕王建至吏部侍郎平章事集乃其弟藹所編以所居卽杜甫草堂舊址故名僞史稱莊有集二十卷今止存此

孫光憲鞏湖編玩三卷

右荆南孫光憲字孟先

案瞿鈔本袁本通考作文

陵州人王衍降唐

避地荆南從誨辟掌書記歷檢校秘書監御史大夫王師收閬州光憲勸其主獻三州地乾德中終黃州刺史自號葆光子

李煜集十卷

右僞唐主李煜重光也璟之子少聰悟喜讀書屬文工書畫知音律建隆三年嗣僞位開寶八年王師克金陵封違命侯太平興國三年終隴西郡公贈吳王江鄰幾雜志云爲秦王廷美所毒而卒

韓熙載文集五卷

右僞唐韓熙載字叔言北海人後唐同光中進士南奔江淮李昇建國用爲秘書郎使與其子璟遊璟嗣位爲虞部員外史館修撰兼太常博士知制誥頃之請誅陳

覺黜和州司馬復召中書舍人累遷兵部尙書第宅華侈妓樂四十餘人不知檢束時人比徐之才璟屢欲倚以爲相用是不果後左授右庶子分司乃盡斥羣妓單車引道留爲秘書監俄復位已而其去妓皆還熙載天才俊敏工隸書及畫聲名冠一時自朱元叛後煜頗疑北人多因事誅之熙載愈益淫縱然喜延譽後進如舒雅等後多知名謚曰文

孫晟文集三卷

右南唐孫晟字鳳密州人好學有文辭尤長於詩少爲

道士嘗畫賈島像置於屋壁晨夕事之後乃儒服謁唐莊宗於鎮州莊宗以爲著作佐郎天成中奔於吳李昇父子用之爲相周世宗征淮上諸郡璟懼遣晟奉表求和世宗召問江南事不對殺之璟聞贈魯國公

潘佑榮陽集十卷

右僞唐潘佑金陵人韓熙載薦於璟授秘書正字直崇文館煜時爲虞部員外史館修撰知制誥中書舍人佑性貞介文章贍逸尤長論議坐言事悖慢下獄自經死人頗言張洎譖之

李有中詩集二卷

右僞唐李有中嘗爲新塗令與水部郎中孟賓于善賓于稱其詩如方干賈島之徒賓于晉天福中進士也有中集內有贈韓張徐三舍人詩韓乃熙載張乃洎徐乃鉉也春日詩云乾坤一夕雨草木萬方春頗佳他皆稱是

成彥雄梅頂集一卷

案袁本瞿鈔本作徐鉉梅頂集一卷誤今據袁本通考改

右僞唐成彥雄江南進士有劉鉉序

案此條原本瞿鈔本脫去今據袁本

通考
補

徐鉉集三十卷

案此條原本脫去今補

右偽唐徐鉉字鼎臣廣陵人仕楊溥為秘書郎直宣徽北院掌文翰李昇時知制誥煜時累遷翰林學士歸朝為直學士院給事中散騎常侍涪化初坐累黜靖難軍司馬鉉初至京師見御毛褐者輒哂之郊苦寒竟以冷氣入腹而卒鉉幼能屬文尤精小學案通考此下有文思敏速凡所撰述常不喜預作有欲從其求文者必戒臨事即來請往往執筆立就未嘗沈思三十七字嘗謂為文速則意思雄壯緩則體勢疎慢故未嘗沈思集有陳彭年序覆案通考無故未已下袁本以此亦異

賈島長江集十卷

右唐賈島閬仙也詩共三百七十九首唐書稱島范陽人初為浮屠名無本後從韓愈遂去浮屠舉進士累舉不第文宗時坐飛謗謫長江主簿會昌初終普州司倉參軍今長江祠堂中有石刻大中九年墨制也大中宣宗年號與傳不合據言又載武宗時謫去尤差誤

皎然杼山集十卷

右唐僧皎然撰字清晝吳興人謝靈運十世孫工篇什德宗詔錄本納集賢院集前有于頔序并贈晝上人詩

貫休禪月集三十卷

覆案通考作寶月詩一卷

右唐僧貫休撰字德隱姓姜氏婺州人後入蜀號禪月

大師初吳融為之序其弟子曇域削去別為序引偽蜀

乾德中獻之

清塞詩一卷

右唐僧清塞字南卿詩格清雅與賈島無可齊名寶麻

中姚合涖杭

案袁本作爲杭州刺史瞿鈔本通考作爲杭脫誤

因攜書投謁合

聞其誦哭僧詩云凍鬚亾夜刺遺傷病中書大愛之因

加以冠巾爲周賀云

碧雲詩一卷

右唐僧虛中詩也司空圖嘗以詩贈之云十年太華無

知己只得虛中一首詩

薛洪度詩一卷

覆案袁本作薛濤錦江集五卷

右唐薛濤字洪度四川樂妓工爲詩當時人多與酬贈

武元衡奏拔書郎大和中卒李肇云樂妓而工詩者濤

亦文妖也

花蘂夫人詩一卷

右偽蜀孟昶愛姬也青城費氏女幼能屬文長於詩宮

詞尤有思致蜀平以俘輸織室後有罪賜死

吳越掌記集一卷

右唐羅隱也與其族人虬鄴齊名後歸吳越掌錢鏐記
室集中其所著表啟也

賦曰只餘淑中一首結

昭德先生郡齋讀書志卷第十八終

